

駱

臨

海

集

駱臨海集附錄

戲爲六絕句

杜甫

庾信文章老更成，凌雲健筆意縱橫。
今人嗤點流傳賦，不覺前賢畏後生。

楊王盧駱當時體，輕薄爲文哂未休。
爾曹身與名俱滅，不廢江河萬古流。

縱使盧王操翰墨，劣於漢魏近風騷。
龍文虎脊皆君馭，歷塊過都見爾曹。

才力應難誇數公，凡今誰是出羣雄。
或看翡翠蘭苕上，未掣鯨魚碧海

馬臣詩集 卷之三
不薄今人愛古人清詞麗句必爲鄰竊攀屈宋宜方駕恐
與齊梁作後塵

未及前賢更勿疑遞相祖述復先誰別裁僞體親風雅轉
益多師是汝師

漫成

李商隱

沈宋裁辭矜變律王楊落筆得良朋當時自謂宗師妙今
日惟觀對屬能

足疾愈約客遊湖上園詩

張 鎰

平生志四方豈願守三窟超凌風中驥振迅霜後鶻無何
足受涇步履遽艱脆投鍼痛循筋濯藥熱透骨重纏韉中

統嬾顧囊內笏長懷駱賓王曠適因沈泊胸蟠經綸業與
氣共振拔紛紛灞上旅大半貴肥腴儻其尙細謹俗眼愈
超忽臨壚指醇酒洗滌去泥涴器宏事果遂闊步黃金闕
宿來病殊減砌域可踔越拘攣日旣深得差興尤發湖山
想貽笑相忘兩逾月霜花著紅小幽香逗疎樾風晴春一
似攜具任倉卒招邀二三子才思湧難竭卻愁費吾詩筆
端口方訥

匡復府

張憲

揚州都督開三府十萬強兵猛如虎駱生長檄魏生謀大
義精忠昭千古山東豪傑望旌旗蓄縮江淮立霸基莫指

金陵圖王氣石梁鴉噪燭燄悲

駱賓王

韓邦奇

狄梁回凶牝房州還東宮敬業伸大義揮戈振羣蒙烈烈
賓王檄有如日當中寧爲敬業死不立狄梁功

侍御駱賓王

胡應麟

仙李方二葉九廟摧妖狐剝剝盡生靈宇內無完膚岳岳
臨海公奄袂起菰蘆義旗舉大澤百萬當一呼虹霓切雲
漢雨澤滂泥塗操我七寸管問彼六尺孤片言味淫牝一
戰梟羣奴惜哉下阿戰倒甲如摧枯奇功固罔立大義羌
足扶披緇入靈隱覓句酬跼跼金鏃隱博浪鉅軸流江湖

固知藝文傑詎曰器識疎一辭道王辟無忝令伯徒至今
讀遺草激懦開頑夫

駱沒後詩文散逸邨雲卿蒐錄餘剩梓之余別輯駱氏忠孝傳詳載

附發中三子詩序

三子者劉參軍峻沈僕射約駱侍御賓王也孝標以流寓休文以宦遊賓王以起義出奔他郡迹三子始終無論隱侯卽劉駱二君未可以發概者第吾邦文學三子實首倡之則發雖一日之過猶其湯沐矧其生于斯仕于斯沒于斯也夫休文達矣孝標賓王則窮迺其風節矯矯咸足重發余旣爲白諸學使蘇公則復槩括其梗竝隱侯爲三子之篇亦以余之窮有相類者匪曰氣味之合已也

懷金華二賢詩

吳載鰲

孝標實寓公駱丞乃起義俱秉千載尙秋霜揭貞幟隸事

既取憎草檄更誰媚山水含幽光冰心盟傲吏

唐駱丞墓

吳之器

颯颯松風吹墓門遺忠堪爲表乾坤百年論託千秋定六

尺孤從一檄存幸有青山埋烈士更憐白屋認仍孫

邑有三駱

氏皆云公裔

魯連逝後先生往東海何人解報恩

駱賓王遺墓詩

有序

崇川邵幹 吾廬

唐駱賓王與眉州刺史李敬業共起義兵于廣陵討武墨檄告四方兵敗亡命爲靈隱寺僧夜于長明燈下續宋之問所吟後遂不見流落通之海上死焉正德九年城東黃泥口鄉民曹氏掘地得冢題石曰駱賓王之墓啓棺見一人衣冠如新曹驚訝隨封以土取石而歸既懼人覺併碎其石迄今多年更無有表而出之者可歎也幹因吊以詩且奉呈遠近諸君子屬而和之

浙江潮遠隔秋烟弔古傷心事悄然靈隱篇終人不見誰
知抔土落崇川

傳聞七歲便能詩一檄賢於十萬師難道失人非相國轉
成知已是蛾眉

待入天台上石橋無如霞起赤城遙月中桂子香還在魂
斷黃泥未可招

家開汲郡有奇書今覩衣冠儼若初賴有希卿文集出斷
雲野鶴想村墟

和詩

有引

海門

李于濤 雪崖

濤固英公三十七世孫也三十五世祖德慕公諱敬
業者起義揚州討武氏不克一時眷屬逃竄幾盡三

十四祖尚菴公諱綱者偕幕府駱賓王匿邗之白水
蕩久之賓王客死崇川尚菴公具衣冠以斂黃泥二
穴公實卜之表其墓曰唐文人駱某之墓載之家乘
最詳先大人備兵寶婺知義烏繡川上亦有墓特往
禮之其子孫述云本墓實在崇川後人追思莫措故
特爲衣冠墓以志不朽郡志所謂閱二十四傳至旭
卽寒家墓記有徵之昭遠公去濤不過九世而駱墓
之在黃泥口者亦僅載之州乘無從跡之白楊衰草
間矣今讀吾廬先生元倡併臚述史誌蓋卽杜工部
所云從來多古意臨眺獨躊躇之致也濤效顰有句
而亦念舊有懷較之遠近
諸好則尤感慨係之云

漆燈空自鎖寒烟爲遡淵源倍翬然徐李子孫何處去忍
教碧血冷崇川

不是尋常弔古詩文章氣節百傳師檄文編入寒家譜一
注眸時一豁眉

詩瓢曾掛跨虹橋衣帶何堪吳越遙莫道孤魂離隴首五
山風月自相招

文人兩字昔曾書今日誰人憶厥初書寓廣陵酬唱句偏
教暗淚灑郊墟

海陵
杜光先

舊迹銷沈付野烟唐家事業總徒然但教飛檄畱青史直
抵狂瀾障百川

安平
王式丹 方若

金輪煥處亂如烟仗義捐生自挺然海曲竄來成底事一
槭白骨冷崇川

萬古江河蓋代詩

用少陵詠四傑詩語

須知對屬是宗師

用義山詠四傑詩語

可憐末派香奩體只逐時新掃十眉

佳句考功記石橋老僧興寄自逍遙莫教魂返黃泥口海

日江潮尙可招

發冢憑將稗史書衣冠可似巨唐初故應剩水殘山恨不

向烏傷戀舊墟

賓王義烏人其地亦有墓

再疊前韻

千年隊道臥荒烟身沒名高豈偶然卻怪唐書輕節義只

于文苑配盈川

豈但長安古意詩風雲叱咤亦雄師中興不屬徐公子飛

騎何能、
畫眉

借用太平公主事

零落遺蹤傍野橋盛名回首歲華遙長天秋水茫茫夜江

海精靈共一招

用子安遺事

驚殺妖狐盾鼻書五王遙接義旗初唐家興廢如翻掌剩
得殘碑認故墟

三疊前韻

功成便可畫凌烟天醉誰知事不然卻勝鸞臺奉新主觸
他鉗網血成川

秋宵響答宋家詩一盞明燈百衲師風景只餘靈隱寺橫

峯螺黛鎖修眉

逝水淒涼遶斷橋臨風憑弔海天遙也應故國悲湘纍未
有椒漿續大招揚雄反離騷欽弔楚之湘纍顏師古注
纍音力追反宋祁曰案晉灼纍作累
蒐遺徵句藉飛書重見青山埋骨初更與松門樹貞石領
珠從此護幽墟

吳門吳衡平父

擬將椽筆畫凌烟一檄千秋尙竦然狐窟未犁禪室老化
虹蒸菌壯山川

明月長廊五字詩燈前閒卻老僧師太平安樂唐家法笑
看蛾眉莫皺眉

出郭沿溪跨小橋月中雲外路非遙婆娑碎石尋題字三

復淮南大小招

誰搜野乘訪遺書斷碣殘碑拂拭初想見風清秋夜永衣冠吟唱過邱墟

雒皋 范大士 摘存

雄兵義旅散如烟亡命何之意惘然只有長明燈下句一聯終古埒山川

王楊盧駱四家詩海內齊名世所師底事此公銷歇後錯逢村老識鬚眉

此紀崇川鄉民曹氏搨地見其衣冠如新也

羽檄曾飛廿四橋白狼遁迹未云遙傳聞又說歸靈隱同歲衡山賦大招

沈埋遺帙少全書
撫拾雖遲尙有初
但恨碎碑無覓處
荒寒平遠剩邱墟

海陵楊瑚璉古存

風吹海霧接江烟
一望茫茫意慘然
斷碣不存苔字沒
詩魂空自繞崇川

禪燈夜續考功詩
宵遁甯誇一字句
忠憤滿腔無說處
應羞瓢衲改鬚眉

義兵空唱廣陵橋
靈隱山深寺亦遙
自得黃泥村外石
魂來且向海濱招

更從何處訪遺書
弔古情殷襍祲初
撥草城東沙岸闊
行

人彷彿指邱墟

海陵 田燕生 雪崖

海天空闊起蒼烟千古傳聞事惘然誰識黃泥埋舊恨殘
碑曾揭在崇川

荒唐弔古一篇詩忠膽雷轟發義師可惜廣陵雲散後袞
袞不復舊鬚眉

宵遁何心過石橋挈囊落錫入山遙適逢月下吟詩者桂
子秋風不待招

四方檄告淚沾書格外憐才女后初英氣如生畱海角晚
雲重匝護村墟

崇川
熊際聚 廣菴

筆陣縱橫勝舉烟忠謀未遂豈徒然任他翠袖工狐媚義
氣常流灌百川

分明滄海有遺詩誰道軀損失律師厯徧名山歸尺土肯
隨鷺序拜蛾眉

石橋擬是天津橋猛聽江聲入望遙幸有雲卿搜佚帙幽
魂不用楚詞招

委頓黃泥載國書當年臨海怨生初一從碣碎衣冠冷平
野無人識故墟

崇川
崔文大山

夕陽古道鬱蒼烟掛劍長吁意惘然姓字得從文字著義
聲彷彿歷山川

雄才不獨號能詩英國勛名震誓師就使知人有宰相何
如千載罵蛾眉

幕府聲傳廿四橋房州帝子海天遙卽令遺恨畱孤僻惆
悵斜陽作楚招

不堪周紀亂唐書取日精誠載筆初成敗霎時翻手局五
王猶是一荒墟

古吳周眉白公
雌龍身計總浮烟大檄千秋氣浩然武墨倘教今日在和

詩亦有到崇川

打坐禪牀忽賦詩未忘夙昔笑吾師無因直到黃泥口蹤跡農人說與眉

白虹千丈跨如橋起滅常看東海遙一點忠靈今古在吾人試把楚詞招

君來貽我一編書始盡賓王今日初荒冢破碑何處覓年年青草自平墟

雉皋江源
岷山

五山遙望隔雲烟弔古無端意悄然不信才人多落魄志圖未遂瘞崇川

風流唐代號能詩大義匡扶克可師草檄片言驚女后憐
才若輩愧蛾眉

孤冢依稀傍野橋殘碑碎後事云遙冠裳縱使能如昔地
下忠魂肯許招

底事曾聞史有書重將詞賦弔當初遺蹤若在山裏祠
宇還堪創廢墟

義烏

方崇桓

雪樵

義烏祠墓草含烟常自經過一惘然千載疑情今始剖誰
知眞骨葬崇川

千里閒關寄此詩爲余塚畔慰吾師始終大義無人識武

聖神明豈畫眉

不向天台訪石橋欲尋東海路迢遙他時來奠黃泥口若
聽鄉音是我招

藉有周郎一紙書五年不見意猶初書中細細言于我更
約同舟弔古墟

驥渚
朱廷宇
惺園

神龍事業付荒烟一望長江思悄然門對浙潮樓觀日英
魂夜現碧山川

首陽曾記採薇詩此是先生異代師地下衣冠扶日月誰
人掛劒識鬚眉

廣陵義散宛虹橋
跌坐空山舊恨遙
劍氣班聲千古在
紫琅山下望魂招

僞周那許署唐書
字使風霜載筆初
讀罷檄文神鬼泣
義聲千載不邱墟

崇川
盧自呂 松峯

千秋遺墓臥荒烟
義氣於今尙凜然
莫恠萍蹤超忽甚
廣陵東去卽崇川

延清吟久不成詩
誰作長明方丈師
想是英雄畱本色
逃禪逃世瘞鬚眉

休認黃泥是石橋
廣陵潮去浙江遙
傷心四傑流離處
才

子魂俱費大招

梧岡舊刻有藏書又弔遺碑憶太初應識崇川多知己故

將俠骨寄邱虛

五通陳大司馬刻賓王集

崇川

袁

晟

魯菴

英雄化碧氣成烟何處遺風尚焰然最是斷碑風雨後懷
人嘗憶古崇川

才能草檄自工詩面目何堪作衲師賴有夜臺生氣在黃
泥未敢沒鬚眉

義舉曾從廿四橋誰知流落海濱遙五山筆墨非虛擲特
爲才人賦大招

相國難逢幸著書文章知己後如初莫教四傑還連塚應
結同心話廢墟

崇川
魏挹芹 鹿野

唐家事業等飛烟義士勤王氣浩然裴老果知先器識區
區何必數崇川

駱丞誰說僅能詩志節風流亦我師宰相縱令勤吐握肯
隨沈宋拜蛾眉

黃泥岸口石闌橋孤塚相傳千載遙料應浙江潮水闊爲
君哀咏一相招

高誦揚州舊羽書霜鋒血淚見當初可知九廟都灰燼日

暮牛羊滿故墟

崇川
魏挹芝

青田

迷塚荆榛化暮烟到今迷事尙喧然殘碑碎卻無尋處空
對寒原水一川

長明燈下再吟詩便作禪關老衲師啓墓衣冠還似昨可
知不改舊鬚眉

應向仙階駕彩橋精魂猶蕩海天遙黃泥春草年年綠此
日誰人作大招

皇唐鄒氏有傳書細檢詩篇已失初最是迷蹤難泯滅州
人指點說邱墟

海門
李露枝 朝合

尾狐端不靜狼烟作墓眉
州豈偶然自恃寸心披北闕
那知枯骨落崇川

不堪展讀綠衣詩
筆下能操制勝師
其奈揚州兵不克
至今尙鎖九原眉

蔓草縈迴朱雀橋
魂依古岸自逍遙
東陵有句隨人和
卻勝羅江大小招

架上猶存靈隱書
風華直欲駕黃初
我因懷古重莊誦
通都墟爲汲郡墟

海門
成湖

蝸廬危坐話爐烟乍接詩筒共惘然
福命論人空俗眼爲丞卻勝令盈川

大唐取士幾篇詩獨以文章起義師
宰相失人非浪語鬚眉總不若蛾眉

幕府曾開廿四橋吳山越水總迢遙
不如歸老揚州地倘復勤王尙可招

佛書終不換儒書撒手衣冠自若初
吾輩襟懷千古映心猿常掛紫琅墟

崇川

王嗣鏊

慕溪

荒原衰草接寒烟弔古臨風意惘然
欲把誰家天下問廣

陵猶是舊山川

曾聞靈隱續新詩
警句堪爲百世師
可惜時人渾不解
長明燈下失鬚眉

冢覓黃泥剩一橋
名看斷碣未云遙
龍宮鷺嶺傳詩話
此地遊魂鬧一招

雄才數上僞朝書
事失江南志若初
荒冢不知何處是
白雲常自鎖郊墟

海門
許士觀 更生

當年草檄似雲烟
怒馬揚塵氣卓然
天挫英雄歸佛院
一燈孤照舊山川

客遊靈隱每尋詩佳句驚傳老衲師
日落潮平人信否一
抔乾土鎖愁眉

天台那得度人橋
破塚開棺事豈遙
未必黃泥無刺史
幽魂先用楚辭招

先生遺事載唐書
我出東門弔古初
四傑衣冠何處是
斜陽枯草遍邱墟

崇川
李朝棟 任菴

功成便得繪凌烟
宵遯窮途自枉然
傳檄當年驚女主
空留墓草漾晴川

搜奇吟續考功詩
悞恨遲明不見師
昔聽淞潮今野渡
幾

回擊節更攢眉

古木殘碑臥石橋千秋誰謂阻情遙
南陽有墓增惆悵今見黃泥楚些招

名埒王楊困簿書異鄉封壤訣當初
縱教器識無輕薄此日依然土一墟

崇川
李朝桂 蔚軒

蕭條古大拂蒼烟憑弔前人思慘然
最是駱丞堪歎息數奇潦倒歿崇川

奇才豈但是能詩草檄匡扶起義師
痛惜勤王功不就壯心耿耿未揚眉

一別揚州廿四橋幾番遁跡不辭遙生前曾弔張衡墓死
後離魂孰與招

當年葬卒未曾書異代何由考厥初幸有題名一片石令
人彷彿識邱墟

雒皋

姜允迪

約菴

樵採空知急爨烟予多古意獨悠然英雄成敗原無論事
濟何難涉大川

初唐猶近六朝詩漫說多師是汝師獨有檄文能破膽難
將翠黛復描眉

翩然霞舉別湖橋竄跡江干路未遙父子主賓存歿重幽

魂剪紙暗相招

古塚分明載國書
臨風灑酒念當初
還聞佚帙傳難朽
差勝唐陵過已墟

崇川宋世裕心耕

東郊望望簇人烟
獨訪迷蹤思黯然
縱未表彰如伯虎
還將絮酒問前川

天香桂子夜吟詩
不信軍師兆律師
轉幸過江分麗藻
至今狼岫綠如眉

一聲漁笛傷溪橋
叫起英雄或未遙
叱咤精靈難泯滅
義旗猶欲向人招

兵敗空傳羽檄書
僞周終不改唐初
可知荷鍤原無憾
還憶容棺歸有墟

崇川

沈月桂

露英

廣陵事業付蒼烟
混跡悠然復黯然
徧走東南消息杳
黃泥塚伴古山川

興續長廊夜月詩
老僧還屬舊賓師
故人已去衡山外
霜葉飛紅點白眉

簫管年年廿四橋
才名空寄海天遙
夕陽村落雲低樹
欲把詩魂渡口招

詔集雲卿幾帙書
殘碑無字已非初
雄心一片空消歇
檄

草流傳剩故墟

崇川

沈月捷 西林

隋堤依舊柳如烟起義無成淚泫然唐室自眞周自僞忠
魂飄泊借崇川

漫羨長廊五字詩書生一介敢興師竄身靈隱江天迴夢
醒晨鐘幾皺眉

落照寒汀小石橋利心遺骨故鄉遙年年祭掃知無主空
記託籌作楚招

萬古千秋一檄書傳聞天后悔當初于今孤塚啼鵲鳥水
綠蘋香恨滿墟

崇川 費文璧 贊玉

義旗散後冷郊烟幕府潛蹤事枉然寂寂城東江水上卻
留抔土炫山川

鄙巖能文豈獨詩更憑一檄振雄師翻生天后遺賢恨攢
卻堂堂宰相眉

聽徹江流咽石橋天涯一鉢水雲遙誰知又藉堯夫筆落
拓忠魂定可招

滄桑陵墓疊難書若個儀型似殮初正氣從來存宇宙故
教野老認荒墟

崇川 達 廣 遠思

城東地僻冷荒烟掘碑野老亦茫然丹心昔日成何事只
鎖寒流水一川

樓觀滄海是君詩氣概崢嶸衆所師辭卻聽潮身去杳莫
名千古說鬚眉

義烏虛塚傷新橋堪引歸魂路未遙雖是功名成畫餅兩
江風月得全招

曾代眉州草羽書衣冠縱久儼如初卻平今日徵詩後不
使英雄沒舊墟

海門
釋智巽

仁風

空若浮雲幻若烟莫將荒塚等徒然先生早已觀身妄自

有靈光照九川

殿柱聯題絕妙詩直須西上禮韜師域中當日空難看且
借湖山一放眉

勞勞月店與霜橋入世何如出世遙邱首黃泥無掛礙德
山不必隔江招

北闕當年屢上書爲丞不異立朝初千秋正誼生前植一
任蓬蒿遍隴墟

海門
成於國
教光

淒淒蔓草鎖荒烟憑弔當年事愀然爲憤東京無淨土甯
教白骨暴東川

續成靈隱一篇詩直令延清北面師幸有中宗搜稿勅得
從翰墨想芝眉

流水滌洄舊板橋浙江潮汐未全遙
墓碑縱斷魂難斷仍向黃泥口子招

氣撼山河一紙書我冠博帶應如初
饒他華表干雲漢不及唐遺七尺墟

海門
盛時
雲扶

魂斷行人爲禁烟路經駱墓轉忻然
雄文久已懸天壤正氣猶能挽逝川

綠水青波七歲詩再來智慧不關師
一腔清白畱泉室楚

楚衣冠豈皺眉

烏傷有塚傍新橋
窀穸匪遙夢想遙
桑梓至今還俎豆
異鄉惟用楚辭招

忠義全憑幼讀書
飄零絕不怨當初
一般定力非禪悟
撒手何須戀故墟

雉皋

吳道潛

淡人

黃泥渡口冒蒼烟
荒草迷離思悄然
苔蝕殘碑猶有跡
夜臺空自冷崇川

馬上何須復說詩
當年討檄布雄師
英風到此垂今古
不魏先生列戟眉

莫問家山舊六橋武陵春事已迢迢
水流花謝魂安在空
有騷人賦大招

盛世才名載史書千秋遺跡見唐初
蓬蒿滿眼堪悲處落
日無情照故墟

海門
釋源信 友如

世事由來付冷烟知公早已獨超然
出師未捷人千古大
義昭垂月萬川

檢書常見有君詩一代衣冠百世師
莫把英雄成敗論名
畱青史見鬚眉

絮酒攜來問野橋追尋不厭路迢迢
風清月冷魂如在兩

岸猿聲代楚招

狐媚魂驚一檄書肯容武后改周初英雄大有風雲氣
髯于今護舊墟

東川

姚紹唐

賓虞

長明燈下裊香烟誰識英雄意黯然觀日聽潮渾漫興
曉來人已過前川

名高四傑幼吟詩宰相偏遺老宿師飛檄縱難成義舉羞
他拜舞向蛾眉

載酒攜琴度板橋五山望盡海天遙先生古墓樵人識
衰柳寒烟谷口招

壯志蹉跎僅著書
雲卿集在幸如初
海濱寄跡餘寒骨
猿鶴哀鳴繞故墟

衰草荒原冷暮烟
啓看殘壘尙依然
苔迷斷碣文名在
每把崇川作畫川

白毛紅掌咏鷺詩
七歲誰爲汝塾師
相國失人他日恨
檄文空自惱蛾眉

未遂雄心隱六橋
也如梅福入山遙
月明中夜聯佳句
魂泊天涯此處招

會聞魯國輯藏書
斷碣還能識厥初
軼事分明州乘在
還將古意問邱墟

邦江

樊天敘 惇五

廣陵義聚起烽烟誰料天心尙未然狐媚不除終古恨至
今節烈費山川

先生七歲善吟詩浙水鍾靈毓我師討檄傳教奸后讀讓
人誰信有蛾眉

老衲誰知隱斷橋龍宮鷺嶺任逍遙月明續句無蹤跡江
北江南賦大招

五山石柳有遺書啓看靈光不異初自古人文如幻化聽
潮潮聽海門墟

樊天寵 軼劉

黃泥塚碣碎荒烟何幸衣冠尙儼然縱是廣陵空義舉化
身千載志崇川

長頸曾傳少小詩龍宮續句老禪師名山遍歷人如寄天
下誰家未展眉

隱姓逃名去六橋香飄桂子任逍遙如何流落埋東海剪
紙孤魂若箇招

沒後中宗詔索書只緣匡復欲如初唐家陵寢今何在惟
有寒烟繞舊墟

海陵俞楷陳芳

阪口黃泥浸暮烟義烏舊塚色蒼然海濱遺老工搜討特

表芳蹤壯百川

慚余七歲亦稱詩
捧檄何曾問義師
霜薄冰輕重到此
弔君止可動蛾眉

誰從滄海擲虹橋
水色天台看轉遙
獨愛一邱藏正骨
千秋神韻解相招

討鑒忠誠史大書
甯偕四傑冠唐初
若非義膽兼奇筆
遺蹟安能重此墟

牧城
李兆龍
雲客

碧草迷離冑夕烟
匡扶事業竟徒然
檄文一道垂千古
力挽頽風障逝川

獄中高潔咏蟬詩舉義誰能殿後師
坏土重開天有意卻教人識舊鬚眉

赤城霞擁石梁橋故國鄉關望轉遙
淪落崇川非寂寂詩魂猶藉雅人招

文人碑碣尙菴書鋤斷苔痕掩復初
六尺之孤君莫問古來陵寢賸邱墟

天都程世統卓山

望去秋風裊暮烟追維往事倍悽然
才人碑底生靈貴不道墓理在此川

才名豈獨號能詩一檄曾傳壯義師
縱使無成何足論文

章猶可動蛾眉

黃泥渡口半橫橋一棹東流去未遙
靈隱賦終魂魄杳月明林下此堪招

雖云州乘有傳書蔓草荒烟豈似初
不得風人揚扞力幽光何自起邱墟

雒皋

余

琮宗玉

秋深城北起蒼烟弔古尋幽一惘然
靈隱賦詩資口實荒邱誰識在崇川

落拓辭官善賦詩何如一檄壯徐師
雖然未遂扶唐志女后魂驚暗皺眉

墓傍黃泥舊板橋千秋大義未曾遙
風風雨雨魂猶在愧我無才作賦招

對塚空聞石上書平原荒草不如初
可憐憑弔當年事疎柳寒鴉月滿墟

北平
姚時起載廢

凝眸蔓草與荒烟憑弔前賢不偶然
傳道逋亡今在此香名藉藉說崇川

闡幽今日合徵詩不沒流風百世師
一檄能教天后折幾多男子失鬚眉

望望黃泥口上橋英雄儼在未曾遙
余因薄宦嘗經過也

就江城賦大招

外史曾將軼事書數千年後尙如初纔知骨朽人難朽豈
比尋常一片墟

淮山王欽直謀

國危一綫似殘烟持義如公獨凜然傳檄域中知有主筆
峯挽定舊山川

長明燈下續新詩騷雅居然之間師遁跡飄零游物外老
僧終不愧鬚眉

倡義揚州廿四橋崇川東指路非遙出師未捷藏荒壤賸
有忠魂此地招

相傳青史姓名書回首神傷討逆初漫道黃泥埋白骨芳
風未必冷邱墟

李堂

香月林空散暮烟王前盧後已蕭然有才流落皆如此今
古茫茫歎逝川

漫誇滄海浙江詩誰識鴻文壯義師淚落房州空遁跡南
來何地不愁眉

黃泥斷岸接危橋靈隱回看千里遙東海忽收才子骨游
魂不用楚詞招

石碣遺畱嗣聖書塚開衣履訝唐初牝晨亦復歸黃土暮

望江都哭覆墟

靈隱寺外柳如烟靈隱山中花欲然何處老僧賦詩去空

餘桂月照前川

飄零到處可吟詩肯向錢塘老禿師鸚鵡未曾舒兩翼蒲
團何日展雙眉

棄甲紛紛廿四橋故人相失海天遙衡山可得將軍墓一
樣遊魂未許招

遺墓何堪載志書欲將斷碣問當初行人指點江天外日
暮牛羊下故墟

揮毫草檄似雲烟此義千秋亦皎然臨海孤臣文不滅僞

周已換幾山川

長篇肯賦早朝詩羽檄曾傳奈喪師一炬可憐南下日更
無長策救然眉

門鎖龍宮合洞橋長安豈似日邊遙蛾眉縱欲憐才子料
得弓旌不易招

回首何堪問簡書奇蹤忽現大明初殘碑一閃光如電三
百年來久廢墟

未必雄心付冷烟老僧遺事恐非然海濱尙有棲身窟當
日潛虹正媚川

考功餞別賦新詩對面何緣失大師千載漆燈還有影依

然冠帶是鬚眉

村流一曲抱溪橋正德年中事亦遙驚嶺狼峯俱恍惚遊
魂并欲隔江招

州乘相傳匪異書如何冠帶儼生初傷心弔古存疑案荒
草青燐卽舊墟

崇川北山下拜駱臨海墓詩

姜任修

古墓犁田出石稜題名不是比邱僧斷雲埜鶴黃泥口誰

向秋風葬駱丞

姜原名耕字芸晚號退耕如皋人康熙辛丑翰林官清苑知縣

駱賓王墓詩

周虹

古碣橫秋草唐賢姓未殘墓門冬始見

狼山麓草枯始見

海氣晝

常寒落迹江湖易，憐才宰相難空餘。
憑弔淚千載爲君彈。
周泰州布衣字天橋

駱義烏墓下作

吳廷燮

武墨亂唐綱，禍甯呂雉埒。
戔戔狄梁公，宛轉類容悅。
倡義始義烏，一呼振疲卒。
先聲激五王，雄才冠四傑。
鐵甕屹雖挫，金輪膽已奪。
椎秦子房心，蹈海魯連節。
史臣昧茲義，兵起由失職。
遂令反正功，千秋蒙汙蟻。
我來荒岡游，懷古捫斷碣。
生已痛流離，死猶遭播越。
見五山志燐燐化碧痕，恐非生平血。
江湖從西來，萬里濺飛雪。
唐寢俱烟灰，安問臨朝孽。
日暮聞梵音，嗒然忘言說。
吳字調玉號梅原如皋廩貢

古詩

趙翼

有唐裴行儉論士先器識謂四傑雖才浮薄宜擯抑乃其所賞拔亦未見英特薦一蘇模稜庸庸但伴食而所擯抑中駱丞起吏職草檄斥武墨發憤佐討賊舉事雖不成慷慨見骨力麋身赴忠義此豈浮薄列是知鑒早謬目已迷白黑不辨品邪正但卜遇通塞斯亦肉眼耳眞士何由得

謁駱丞賓王先生墓

調寄滿江紅次毅川李梧岡先生韻

吳李有朋

館處孝烏來瞻禮名賢地下遙望見塚搖竿竹墓踰石馬鬱鬱佳城精氣在班班信史英光射問有唐移祚自何人娥眉也 惟臨海才長駕勤王室整而暇恨網常倒置灌

狐璽社鐵騎不伸敵懷志檄詞驟長連城價建張桓周復
反爲唐公其亞李有朋湖廣武昌知縣陞岳州府判後陞
魯藩長史清廉著績所著有與中集解武
錄清思漫紀諷規
瑣談懷沙集行世

江西撫州府臨川縣鄒耀庭梓

跋

文章一道寸心千古非偶然也余祖臨海公草
檄以聲武后罪讀至一抔六尺兩語不覺悚然
愧感廬陵復辟於是決焉矣隨即降勅訪遺
文搜散佚令郝雲卿始集傳之不然一檄之
外可無片紙存是中宗得力於余祖而余祖
先受知於中宗非偶然也嗣後諸先賢有
序者有傳者有詩者有辯論有碑記者不

一而足皆有以發余祖之幽光而余祖受知於諸先賢亦非偶然也今同里陳西橋先生博通淹雅乃於余祖之文集復繼先賢而采輯之補苴罅漏張皇幽眇尋墜緒之茫茫獨旁搜而遠紹考訂箋注閱數十年而成帙可謂勤且勞矣觀其所序所傳闡幽微顯拔亘古不白之沉寃比事屬詞破當時無稽之妄議繼往開來良工心苦厥

功可謂偉矣則余祖於千載下又受知於
先生尤非偶然也由是觀之余祖之受知
始於中宗繼以諸先賢而終之有西橋先
生遂令余祖爲不朽之完人文集爲無瑕
之完璧鐫之豈容或緩乎

時

咸豐三年歲在癸丑仲秋月

松林後裔祖攀謹誌并書